

dene *de cætero* servir se debi, si ne le cause da corrente introducte per li auditori, come et in tutte altre cause civil de che sorte esser se vogliano, che *de cætero* se haverano ad introdur al Consejo de XL, Colegio et altri Consigli per li Avogadori, Sindici, Provedadori et altri, che havesseno facte le intromissione, come è justo et conveniente, sotto pena de ducati cento, da esser scossi per li Cai de XL et cadauno de loro, si superiori come inferiori, da tutti quelli che presumesseno interromper l'ordene predicto, et s'el fosse avvocato, oltra le pene predictie, sia privo per uno anno de la advocataria.

31

Per quanto veramente aspecta a la production de le scripture, per non esser conveniente ch' el giudice sia ratado de quella cosa che per lui non è stà instà, dicto ordene sia *ex toto* revocado, nè se possi *de cætero* produr, nè lezer a li diti Consigli nostri, nè a conto de mezaruola, nè *aliter* altre scripture, salvo quelle che fusseno stà deducte avanti el far de le sententie, over chiamade ne le predictie sententie che se placitasseno: et questo ordene servir se debi in tute le cause che *de cætero* se haverano ad introdur, si per li Auditori, come Avogadori, Sindici, Provedadori et altri che havesseno facte le intromissione de le sententie de acti di questa città nostra; excepto però in quelle cause che intravenisse la Signoria nostra, et *similiter* le sententie, subvention, termination et altri acti facti per absentia, ne le qual cause, la parte soprascripta del 1512 resta ferma et valida, et exeguir quella se debi come la zè.

Sia *præterea* statuido et preso, che li Avogadori, Sindici, Provedadori et altri che hanno autorità di intrometer, siano tenuti zurar la loro intromissione *in civilibus*, come fano li Auditori, et quando *de cætero* placiterano ai Consigli alcuna de le cause civil soprascripte, non possino in alcun caso removerse da le sue intromissione da poi che la causa serà una volta introducta al Consejo, nè altramente impedir, *quominus* dicta causa sia per dito Consejo expedita, soto pena de ducati 500, da esser scossi per li Cai de XL, si superiori come inferiori, et per cadauno de loro, *imo placitare* quelli debino fino a la definition sua, come se osserva ne le cause de li Auditori.

Sia *insuper* statuido, che *de cætero*, ne la expedition de dicta cause civil, sia osservado et observar se debi l'ordene infrascripto, *videlicet*: che passadi tre mesi da poi facta la intromissione, li Avogadori, Sindici, Provedadori et altri che haverano ad introdurre essi casi, siano richiesti per li

Cai de XL che vadino a placitar dite sue intromission, et passadi octo zorni da poi che serano sta rechiesti per li diti Cai de XL, et non andando al Consejo, li Cai predicti possino dar el Consejo ad esse cause intromesse, non obstante alcuna contumacia de quelli tal che fusseno stà rechiesti, et metino le parte che ordinariamente se haveria a meter per quello, over quelli che havesseno facte le intromission, possando in tali casi far et citar le parte intervenute a la roversa al Consejo, come se osserva in le cause de li Auditori.

Et a questa instessa condition se intendino esser tutte le cause che fin hora fusseno stà intromesse, si per li Avogadori presenti, come preteriti, aziò dite intromission sian una volta expedite.

Et aziò el presente ordene sia osservato, da mò sia preso: che passadi li tre mesi da poi facta la intromission, li Cai de XL inferiori, ad ogni instantia che li fusse facta, siano tenuti, in pena de ducati cento d'oro da esser scossa per li Cai de XL superiori, et per cadauno de loro, senza altro consejo, exeguire quanto de sopra se contien.

Et perchè è ben al proposito, *imo* necessario, remover ogni sinistra interpretation che si potesse dar a le intromissione, volendo fare quelle tute criminal per exceptuarle dal presente ordene, *ex nunc* sia dechiarido, che tute quelle cause, che non recercasseno retentione over procieder, tute siano et... se intendino civil, et *ex consequenti* sottoposte a l'ordene soprascripto. Et siano tenuti li Consiglieri nostri meter la presente parte nel primo Mazor Consejo; la qual non se intendi presa, se la non serà et presa in quello.

Non sincere 0

De non 32

† De parte 116

In Maiori Consilio posita fuit pars superscripta per Consiliaris et Capita de XL.

Non sincere 33

De non 134

† De parte 918

Da poi disnar, fo Gran Consejo per trovar da- 33⁹
nari, et fo portato il Principe; ma erano pochi, perchè horamai molti abandonano li Consej, vedendo

(1) La carta 32* è bianca.